

25-64-241100- сонли
КРЕДИТЛАРНИ СУҒУРТА ҚИЛИШ БОШ ШАРТНОМАСИ

Тошкент ш.

«30» июл 2024 йил

Ўзбекистон Республикаси Истиқболли лойиҳалар миллий агентлиги томонидан 2023 йил 26 сентябрда берилган 135840-сон лицензия асосида ҳаракат қиладиган, кейинги ўринларда «Суғурталовчи» деб аталадиган “SEMURG INSURANCE” АЖ номидан Низом асосида ҳаракат қилувчи Бош Директор Р.Қадиров бир томондан, ва кейинги ўринларда «Суғурта қилдирувчи/Қарз берувчи» деб номланувчи “DAVR BANK” ХАТБ, унинг номидан Низом асосида фаолият юритувчи Бошқарув Раиси А.А.Самадов иккинчи томондан, мазкур Кредитларни суғурта қилиш бош шартномаси (кейинги ўринларда - Суғурта шартномаси) ни қуйидагилар тўғрисида туздилар:

I. ШАРТНОМАНИНГ ПРЕДМЕТИ.

1.1. Ушбу суғурта шартномасининг предмети ушбу суғурта шартномасининг 1-илоvasида кўрсатилган кредитларни қайтарилмаслик хатарини суғурта қилишдир.

1.2. Суғурта объекти – Суғурталовчининг Суғурта қилдирувчи/Қарз берувчи томонидан берилган кредитларни қайтариш бўйича Қарз олувчи ўз мажбуриятларини бажармаганлиги натижасида кредит шартномаси бўйича кўрилган зарарлар билан боғлиқ мулкый манфаатларидир.

1.3. Ушбу Суғурта шартномасига мувофиқ Суғурта қилдирувчи/Қарз берувчи Суғурталовчига иловаларда тақдим этилган ҳужжатлар ва маълумотлар ушбу суғурта шартномасининг ажралмас қисми эканлигини ҳамда ўз ичига ишончли ва тегишли маълумотларни олганлигини тасдиқлайдилар.

II. АТАМАЛАР.

Ушбу Суғурта шартномасида қўлланиладиган атамалар, қуйидагича таърифланади:

Суғурталовчи – Суғурта шартномасига мувофиқ суғурта товонини тўлаш мажбуриятини зиммасига олувчи юридик шахс – “SEMURG INSURANCE” АЖ.

Суғурта қилдирувчи/Қарз берувчи – Суғурта қилдирувчи томонидан суғурта шартномаси бўйича суғурта тўловларини олиш учун белгиланган юридик шахс.

Қарз олувчи – суғурта шартномасида келишилган суғурта мукофотини (суғурта тўловини) тўловчи, Суғурта қилдирувчи билан тузилган кредитларини суғурта қилиш шартномасига асосан кредит олувчи жисмоний шахс (Суғурта қилдирувчининг мижозлари);

Кредит шартномаси – ҳуқуқий фуқаролик шартномаси бўлиб, унга кўра Суғурталовчи Қарз олувчига ушбу Суғурта шартномасининг 1-илоvasида кўрсатилган Кредит шартномасида назарда тутилган миқдорда ва шартларда пул маблағларини (кредит) беришни ва Қарз олувчини зудлик билан олинган пул маблағларини қайтаришни ва унга ҳисобланган фоизларни тўлашни ўз зиммасига олади.

Суғурта полиси – суғурталовчи томонидан Суғурта қилдирувчига бериладиган суғурта мукофоти/биринчи/навбатдаги суғурта бадали тўланганидан кейин ва суғурталовчининг ушбу суғурта шартномаси бўйича мажбуриятлари кучга кирганлигини тасдиқловчи ҳужжат.

Суғурта суммаси – суғурта ҳодисаси юз берганда ушбу Суғурта шартномаси бўйича Суғурталовчининг Суғурта қилдирувчи олдидаги мажбуриятларининг максимал миқдорини ифодаловчи гаров ёки бошқа таъминот турлари билан таъминланмаган кредит қисмининг суммасига тенг бўлган маблағлар миқдори. Суғурта муддати давомида Қарз олувчи кредит суммасини (асосий қарзни) қайтариши ҳисобига суғурта суммаси (тўланган/қайтарилган асосий қарз суммасига) камаяди.

Суғурта ҳодисаси – ҳақиқатда юз берган ҳодиса бўлиб, унинг юзага келиши билан Суғурталовчи Суғурта қилдирувчига суғурта қопламасини тўлашга мажбур бўлади.

Кутиш даври – бу Суғурта шартномаси декларациясида кўрсатилган вақт оралиғи бўлиб, ундан кейин суғурта ҳодисаси содир бўлган деб ҳисобланади, Кутиш даври Кредит шартномасида назарда тутилган кредитни тўлиқ тўлаш муддати тугаган куннинг кейинги кунидан ёки ушбу ҳодисаларнинг қайси бири илгари содир бўлганлигига қараб, Суғурта қилдирувчининг мумкин бўлган йўқотиши юзага келган кундан бошланади.

Суғурта қопламаси – суғурта ҳодисаси юз бергандан сўнг Суғурта қилдирувчига етказилган зарарни қоплаш учун суғурта суммаси доирасида тўланган пул маблағлари.

Суғурта мукофоти (суғурта бадали) – Қарз олувчи ушбу Суғурта шартномасида назарда тутилган тартибда ва муддатларда Суғурталовчига суғурта учун тўлаши шарт бўлган тўлов.

Суғурта шартномасининг муддати – суғурта шартномаси амал қиладиган муддат мобайнидаги давр.

Суғурта даври – суғурта полисида кўрсатилган давр. Ушбу шартномада кўзда тутилган суғурта шартномаси кучга киргандан кейин содир бўлган суғурта ҳодисаларига нисбатан қўлланилади ва суғурта полисида кўрсатилган суғурта муддати давомида амал қилади.

III-БЎЛИМ. СУҒУРТА ҲОДИСАЛАРИ.

3.1. Мазкур суғурта шартномаси амалда бўлган даврда Суғурталовчи Суғурта қилдирувчи/Қарз берувчи томонидан кредит шартномасида белгиланган шартлар ва муддатларга мувофиқ суғурта суммаси доирасида Қарз олувчининг Суғурта қилдирувчига/Қарз берувчига ўз вақтида тўловларни амалга ошириш бўйича Қарз олувчининг суғурта шартномаси амал қилиш муддати давомида бахтсиз ҳодиса туфайли вафот этиши натижасида кредит тўловларини шартномада белгиланган муддатда ва миқдорда тўланмаслиги натижасида содир бўлган (ушбу суғурта шартномасининг 4-бандида кўрсатилган ҳоллар бундан мустасно) таваккалчиликлар суғурта ҳодисаси ҳисобланади.

IV. ИСТИСНОЛАР.

4.1. Қуйидаги ҳолатларда ушбу суғурта шартномаси бўйича суғурта ҳодисаси тан олинмайди ва Суғурталовчи суғурта товонини тўлашдан озод қилинади:

а) кредит суммасига ҳисобланган ҳар қандай пенялар, жарималар, неустойка, бой берилган фойда ёки даромад, банк комиссиялари ва бошқалар, Қарз олувчи томонидан тўланмаган кредитнинг (асосий қарзнинг) гаров ёки таъминотнинг бошқа турлари билан таъминланмаган қисми бундан мустасно;

б) қуйидагиларнинг бевосита ёки билвосита натижаси бўлган Қарз олувчи томонидан кўрилган зарар:

- Кредит шартномасини расмийлаштиришда/кредит беришда Суғурта қилдирувчи ёки унинг вакиллари томонидан Ўзбекистон Республикаси қонунлари талабларига риоя қилинмаслиги;

- Суғурта қилдирувчи ва/ёки Қарз олувчи унинг вакиллари томонидан кредит мажбуриятлари бажарилмаслиги;

- Суғурта қилдирувчи ва/ёки Қарз олувчи кредит шартномаси бўйича мажбуриятларини бузганда ёки кредитлаш қоида ва қўлланмаларига риоя этмаганда (масалан, кредитни бериш муддатларининг бузилиши, келишмаган ҳолда кредит миқдорининг ўзгартирилиши, кредитни бошқа мақсадларга берилиши ва ҳ.к.);

- Қарз олувчининг ўз манфаатларини ҳимоя қилиш мақсадида амалга оширган ҳаражатларига;

- Қарз олувчининг айби билан Суғурталовчининг талаб қилиш (суброгация) ҳуқуқи мавжуд бўлмаса;

- кредитнинг гаров ёки таъминотнинг бошқа турлари билан таъминланмаган бўлса ёки Суғурталовчи билан келишилмасдан кредитнинг таъминоти сифатида гаровга қўйилган мол-мулкни бегоналаштириш бўлса;

- Қарз олувчи ушбу суғурта шартномасининг 8.2 бандида кўрсатилган мажбуриятларини бажармаслиги;

- Суғурта қилдирувчи/Қарз берувчи ушбу суғурта шартномасининг 8.3 бандида кўрсатилган мажбуриятларини бажармаслиги;

- валюта курсларининг ўзгариши.

в) Суғурта қилдирувчи ва/ёки Қарз олувчи маълумотларни тақдим этишда, Суғурталовчи суғурта шартномасини тузишга қарор қилишига асос бўлган суғурта хатари тўғрисида фикр юритиш учун зарур бўлган ҳолатлар ҳақида ёлгон маълумотлар тақдим этган бўлса;

г) агар суғурта ҳодисаси Суғурта қилдирувчининг ёки Қарз олувчининг суғурта ҳодисаси юзага келишига қаратилган қасддан қилинган ҳаракатлари ёки ҳаракатсизлиги натижасида содир бўлган бўлса, фуқаролик бурчини бажариш ёки Суғурта қилдирувчининг, Қарз олувчининг ёки учинчи шахсларнинг ҳаёти, соғлиги, шаъни ва қадр-қимматини ҳимоя қилиш билан боғлиқ ҳаракатлар бундан мустасно;

д) Агар Суғурта қилдирувчи/Қарз олувчи ушбу Суғурта шартномаси шартларини бузган бўлса;

е) Агар Суғурта қилдирувчи ва/ёки Қарз олувчи суғурта ҳодисасининг сабаби ва ҳолатларини, шунингдек зарар миқдорини аниқлашда Суғурталовчининг иштирок этишига тўсқинлик қилган бўлса;

ж) Суғурта қилдирувчининг айби туфайли Суғурталовчининг суброгация тартибида даъво тақдим эта олмаслиги;

и) кредит маблағларидан фойдаланиш бўйича ҳужжатларни: тўлов топшириқномалари, бажарилган ишлар сертификатлари, ҳисобварақ-фактуралар, товар олинганлиги тўғрисидаги ҳисобварақ-фактуралар ва бошқаларни тақдим этмаслиги;

к) Суғурталовчи томонидан кредит маблағларидан фойдаланиши бўйича назорат йўқлиги ёки Қарз олувчининг кредит маблағларидан мақсадга мувофиқ фойдаланмаслиги.

4.2. Суғурта қуйидагиларга амал қилмайди:

а) кредит шартномаси бўйича жарималар, ўзгалар пулидан фойдаланиш бўйича фоизлар, суд харажатлари;

б) қуйидагилар оқибатида кредитни қайтармаслик ҳолатлари:

- қарз олувчининг кредитдан тўлиқ ёки қисман мақсадга мувофиқ фойдаланмаслиги;
- қарз олувчи томонидан Ўзбекистон Республикаси қонунчилигига мувофиқ дебиторлик қарзларини ундириш чораларини кўрмаслик;
- Суғурталовчи билан олдиндан келишилмаган ҳолда Қарз олувчининг мол-мулкни суғурталашнинг ушбу Суғурта шартномасининг амал қилиш муддати давомида Суғурта қилдирувчи томонидан бегоналаштириш.

V. СУҒУРТА ҚИЙМАТИ, СУҒУРТА СУММАСИ, ФРАНШИЗА МИҚДОРИ, СУҒУРТА МУКОФОТИ, УНИ ТЎЛАШ ШАКЛИ ВА ТАРТИБИ.

5.1. Ушбу Суғурта шартномаси бўйича Суғурта суммаси ва Суғурта мукофоти ушбу Шартноманинг 1-иловасида келтирилган.

5.2. Суғурта мукофоти (ёки унинг биринчи қисми) Тарафлар Суғурта шартномасини имзоланган кундан бошлаб 3 (уч) иш кунидан ортиқ бўлмаган муддатда тўланган бўлиши керак.

5.3. Мазкур шартнома бўйича умумий суғурта мукофоти (бадал) 1-иловада кўрсатилган.

5.4. Суғурта мукофоти Қарз олувчи томонидан бир йўла нақд пул, пул ўтказиш йўли билан мазкур шартнома имзоланганидан кейин уч банк куни ичида тўланади.

5.5. Суғурта полиси суғурта мукофоти Суғурталовчининг ҳисоб рақамига келиб тушганидан кейин 5 (беш) банк куни ичида берилади, нақд пул билан тўланганда ўша вақтнинг ўзида берилади.

5.6. Суғурта полиси суғурта мукофотининг туланган қисми/траншига мутаносиб бўлган муддатга берилади.

5.7. Мазкур шартнома бўйича барча ўзаро ҳисоб-китоблар Ўзбекистон Республикаси миллий валютасида (сўмда) амалга оширилади.

5.8. Ҳар бир суғурта ҳодисаси бўйича шартсиз франшизанинг миқдори суғурта суммасидан 0,0 (ноль) фоизни ташкил этади.

5.9. Агар суғурта ҳодисаси тўлаш муддати ўтказиб юборилган навбатдаги суғурта бадали тўланишидан олдин юз берган бўлса, суғурталовчи мазкур суғурта шартномаси бўйича тўланиши лозим бўлган суғурта товони миқдорини суғурта мукофотининг ўзига тўланган қисмига мутаносиб суммада чеклашга ва муддати ўтказиб юборилган суғурта бадали суммасини ҳисобга олишга ҳақли.

VI-БЎЛИМ. СУҒУРТА ШАРТНОМАСИ ТУЗИШ ТАРТИБИ ВА АМАЛ ҚИЛИШ МУДДАТИ.

6.1. Ушбу Суғурта шартномаси тарафлар томонидан имзоланган пайтдан бошлаб кучга киради, келишилган суғурта мукофотини ёки унинг биринчи тўловини ўз вақтида тўлаш ва ушбу шартномага 1-иловада кўрсатилган муддат давомида амал қилади.

6.2. Суғурта мукофоти ёки унинг биринчи бадали ўз вақтида тўланмаган тақдирда ушбу Суғурта шартномаси келишилган суғурта мукофоти ёки унинг бир қисми тўланган пайтдан бошлаб кучга киради ва ушбу шартномага 1-иловада кўрсатилган муддат давомида амал қилади. Суғурталовчининг ёки унинг Суғурта агентининг банк ҳисоб рақамига пул маблағлари келиб тушган кун суғурта мукофоти ёки унинг қисмини тўлаш санаси деб ҳисобланади.

6.3. Ушбу шартномада назарда тутилган суғурта Суғурта шартномаси кучга киргандан кейин содир бўлган суғурта ҳодисаларига тегишли бўлиб, суғурта полисида кўрсатилган суғурта муддати давомида амал қилади.

6.4. Суғурта полиси суғурта мукофоти (ёки назарда тутилган суғурта бадаллари) тўлиқ тўланган кундан бошлаб 3 иш куни ичида берилади. Суғурта мукофоти тўлиқ тўланмаган тақдирда суғурта полиси суғурта мукофотининг тўланган қисмига мутаносиб муддатга берилади.

6.5. Суғурталовчи, Суғурта қилдирувчи ва/ёки Қарз олувчи исталган вақтда суғурта шартномасидан воз кечиш ҳуқуқига эга. Суғурталовчи, Суғурта қилдирувчи ва/ёки Қарз олувчи Суғурта шартномасини муддатидан олдин рад этган тақдирда, Суғурталовчига тўланган суғурта мукофоти суғурта муддати тугамаган суғурта муддати учун қайтарилиши лозим, бунда тўланган суғурта мукофотидан Суғурталовчининг харажатлари (ишни юритиш) чегириб ташланади.

6.6. Агар ушбу шартнома бўйича Суғурталовчи суғурта товонини тўлаган бўлса, бундай тўлов миқдоридан қатъи назар, суғурта мукофоти қайтарилмайди.

VII. СУҒУРТА ШАРТНОМАСИНИНГ ТЎХТАТИЛИШИ ВА БЕКОР ҚИЛИНИШИ.

7.1. Ҳар бир томон Суғурта шартномасини исталган пайтда, бошқа томонни охириги манзили бўйича юборилган хат билан, тахминий бекор қилиш санасидан кечи билан ўттиз кун аввал хабардор

қилган ҳолда (Наф олувчининг розилиги билан), бекор қилиш ҳуқуқига эга.

7.2. Суғурта шартномасининг амал қилиши қуйидаги ҳолларда тўхтатилади:

- Унинг амал қилиш муддати тугаганда;
- Суғурталовчи ўзининг шартнома бўйича мажбуриятларини тўлиқ ҳажмда бажарганда;
- Шартнома томонлардан бирининг талабига кўра бекор қилинганда;
- Суғурта қилдирувчининг талабига (ташаббусига) биноан Суғурталовчи суғурталаш шартларини бузганда;
- Суғурталовчининг Ўзбекистон Республикасининг қонунчилик ҳужжатлари билан белгиланган тартибда тугатилиши;
- суд Суғурта шартномасини ҳақиқий эмас деб тан олиш тўғрисида қарор қабул қилган бўлса;
- Ўзбекистон Республикасининг қонунчилигида кўзда тутилган бошқа ҳолатларда.

7.3. Агар Қарз олувчи суғурта шартномаси шартларига мувофиқ суғурта мукофотининг навбатдаги қисми (транши)ни ўз вақтида тўламаган бўлса, мазкур суғурта шартномаси Суғурталовчи томонидан бир тарафлама бекор бўлган ҳисобланади ва Суғурталовчи ушбу суғурта шартномаси бўйича жавобгарлик олиб бормайди.

7.4. Суғурта шартномаси, агар у кучга кирганидан кейин суғурта ҳодисаси юз бериши эҳтимоли йўқолган ва суғурта хавфининг мавжуд бўлиши суғурта ҳодисасидан бошқа ҳолатлар бўйича тугаган бўлса, тузилган муддати келишидан олдин бекор бўлади. Бу ҳолда суғурта мукофоти қайтарилмайди.

7.5. Агар суғурта шартномаси тузилганидан кейин Суғурта қилдирувчи ва/ёки Қарз олувчи Суғурталовчига била туриб ҳолатлар тўғрисида ёлғон маълумот берганлиги аниқланса, Суғурталовчи шартномани ҳақиқий эмас деб тан олишни талаб қилишга ҳақлидир.

VIII-БЎЛИМ. ТАРАФЛАРНИНГ ҲУҚУҚ ВА МАЖБУРИЯТЛАРИ.

8.1. Қарз олувчи қуйидаги ҳуқуқларга эга:

8.1.1. Суғурта шартномаси муддати давомида суғурта масалалари бўйича бепул маслаҳатлар олиш;

8.1.2. Суғурта шартномаси муддати давомида гаров ёки бошқа таъминот турлари билан таъминланмаган кредитнинг бир қисми қайтарилгач, Суғурталовчига ушбу Суғурта шартномасини муддатидан олдин бекор қилиш тўғрисидаги ариза билан мурожаат этиш.

8.1.3. Суғурталовчида гаровга қўйилган мол-мулкни ва кредит маблағлари ҳисобига олинган мол-мулкни Кредит шартномасининг бутун муддати давомида алоҳида ҳақ эвазига суғурта қилдириш;

8.2. Қарз олувчи қуйидаги мажбуриятларга эга:

8.2.1. суғурта мукофотини Суғурталовчига ушбу Суғурта шартномасида назарда тутилган тартибда ва муддатларда тўлаш;

8.2.2. суғурта ҳодисаси юз беришининг олдини олиш учун барча чораларни кўриш, кредит маблағларидан мақсадга мувофиқ фойдаланишни назорат қилиш;

8.2.3. Кредит шартномаси шартларига киритилиши мумкин бўлган ўзгаришлар, шу жумладан, кредит мажбуриятидаги шахслар ўзгариши ҳақида Суғурталовчини хабардор қилиш;

8.2.4. Қарз олувчининг кредит шартномаси бўйича қайтариш жадвалини бузганлиги ёки кредит маблағларидан мақсадга мувофиқ фойдаланмаслик фактларини аниқлаши ҳақида хабар бериш;

8.2.5. Суғурта муддати давомида ушбу Суғурта шартномасида назарда тутилган Кредит шартномаси (гаров/кафолат/кафиллик) бўйича бошқа гаровнинг мавжудлигини таъминлаш;

8.2.6. кредитдан фойдаланишни мониторинг қилиш санасидан олдин бу ҳақда Суғурталовчига хабар бериш ва унинг вакили мониторингда иштирок этиши учун имконият яратиш;

8.2.7. суғурталовчининг илтимосига кўра, кредит шартномаси/бизнес-режа/техник-иқтисодий асослаш бўйича лойиҳани амалга ошириш/бажарилишини назорат қилиш учун зарур бўлган ҳар қандай маълумотни ва кредит шартномаси билан боғлиқ бошқа ҳужжатларни, шунингдек суғурта ҳодисаси юз беришининг факт ва ҳолатларини аниқлаш учун зарур бўлган маълумотларни тақдим этиш;

8.2.8. юридик манзили ва банк реквизитлари ўзгарган тақдирда бу ҳақда Суғурталовчига 5 календар кундан кечиктирмай хабар бериш.

8.2.9. кредит шартномаси бўйича олинган кредит маблағларидан бизнес-режа/техник-иқтисодий асос ва Кредит шартномаси билан боғлиқ бошқа ҳужжатларда назарда тутилган мақсадларда фойдаланиш;

8.3. Суғурта қилдирувчининг/Қарз берувчининг мажбуриятлари:

8.3.1. Суғурта шартномасини тузиш чоғида Суғурталовчига хабар қилинган ҳолатлардаги ўзига маълум бўлиб қолган муҳим ўзгаришлар ҳақида Суғурталовчини ёзма равишда хабардор қилиш, яъни:

а) боғлиқ бизнес-режа /техник-иқтисодий асос ва Кредит шартномаси билан бошқа ҳужжатларда кўзда тутилган лойиҳани бажариш муддатининг бузилиши;

б) ҳисобот чораги давомида Қарз олувчи фойдасининг камайиши;
в) Кредит шартномасига асосан молиялаштириладиган шартномалар шартларининг ўзгариши;
г) Кредит шартномаси бўйича Суғурта қилдирувчи олдидаги мажбуриятларнинг бажарилишига таъсир қилиши мумкин бўлган Қарз олувчининг ишлаб чиқариш фаолиятини тугатиш ёки тўхтатиб туриш;

д) Ўзбекистон Республикасида белгиланган энг кам иш ҳақининг 500 (беш юз) бараваридан ортиқ миқдорда муддати ўтган дебиторлик ва/ёки кредиторлик қарзларининг юзага келиши.

е) ваколатли органлар томонидан ёки суд қарори билан Қарз олувчининг ишлаб чиқариш фаолиятини белгиланган тартибда тақиқлаш;

ж) Давлат органлари томонидан Қарз олувчига нисбатан молиявий санкцияларнинг қўлланилиши;

з) гаровга қўйилган мол-мулкни гаровга қўйиш ва бошқалар.;

и) ушбу суғурта шартномаси декларациясида кўрсатилган кредитнинг қайтариллигини таъминлаш учун тақдим етилган бошқа таъминотнинг (мол-мулк, кафиллик, кафиллик ва бошқаларнинг) тугатилиши ёки зарар етказилиши..

8.3.3. Суғурталовчининг сўровига кўра, Кредит шартномаси бўйича лойиҳанинг амалга оширилиши/бажарилишини назорат қилиш учун зарур бўлган ҳар қандай маълумот ёки маълумотни/бизнес-режа/техник-иқтисодий асосни ва кредит шартномаси билан боғлиқ бошқа ҳужжатларни тақдим этиш.

8.3.4. Суғурталовчи талаб қилиши мумкин бўлган, зарарнинг сабаби ва миқдори билан боғлиқ бошқа етарли далиллар билан таъминлаш;

8.3.5. Суғурталовчига барча ҳужжатлар ва далилларни тақдим этиш ва Суғурталовчига суброгация ва регресс тартибда унга берилган даъво ҳуқуқини амалга ошириш учун зарур бўлган барча маълумотлар ҳақида хабар бериш.

8.3.6. яшаш ва рўйхатдан ўтган жойи ўзгарган тақдирда Суғурталовчига бу ҳақда ўзгартириш киритилган кундан бошлаб 5 календар кундан кечиктирмай хабар бериш;

8.3.7. ундирув Кредит шартномаси бўйича гаров предмети бўлган мол-мулкга қаратилган тақдирда, гаровга қўйилган мол-мулкни сотиш шартларини олдиндан келишиб олиш, хусусан гаровга қўйилган мол-мулк сотиладиган нархни келишиб олиш;

8.3.8. Қарз олувчига нисбатан Ўзбекистон Республикаси Жиноят кодексига мувофиқ ҳар қандай жиноятда айбдорликда тан олиш тўғрисида ҳуқуқий иш қўзғатилган тақдирда.

8.4. Суғурталовчи қуйидаги ҳуқуқларга эга:

8.4.1. Суғурта шартномаси муддати давомида Суғурта қилдирувчи билан биргаликда мониторингда иштирок этиш, ҳужжатларни талаб қилиш ва ҳужжатлар асосида Қарз олувчининг ҳақиқий молиявий ҳолатини текшириш ва кредит шартномаси томонидан молиялаштириладиган битимлар билан боғлиқ маълумотларни талаб қилиш;

8.4.2. Қарз олувчи/Суғурта қилдирувчи томонидан ушбу суғурта шартномасида назарда тутилган мажбуриятлар бажарилмаган тақдирда Суғурта шартномасини бир томонлама бекор қилиш;

8.5. Суғурталовчи қуйидагиларга мажбур:

8.5.1. Суғурта қилдирувчи ва/ёки Қарз олувчига суғурта масалалари бўйича маслаҳатлар ва тушунтиришлар бериш;

8.5.2. ушбу Суғурта шартномасида белгиланган муддатларда ва тартибда Суғурта полисини бериш;

8.5.3. Суғурта ҳодисаси юз бергач, Суғурта қилдирувчига ушбу Суғурта шартномасида белгиланган тартибда ва миқдорларда суғурта товонини тўлаш;

8.5.4. Суғурта қилдирувчи/Қарз берувчи/ Қарз олувчи ва уларнинг мулкий ҳолати тўғрисидаги маълумотларни ошкор қилмаслик, Ўзбекистон Республикаси қонун ҳужжатларида назарда тутилган ҳоллар бундан мустасно.

8.5.5. барча хабарлар /сўровларга жавоб / ушбу Суғурта шартномасининг ижроси билан боғлиқ муайян ҳаракатларни мувофиқлаштириш дарҳол, бироқ Суғурта шартномасини тузиш чоғида Суғурталовчига хабар қилинган ҳолатлардаги муҳим ўзгаришлар ҳақида аниқлаш учун сўров олинган кундан бошлаб 5 (беш) иш кунидан кечиктирмай амалга оширилиши.

IX. СУҒУРТА ТОВОНИ.

9.1. Ушбу шартноманинг 3.1. бандида кўрсатиб ўтилган суғурта ҳодисаси юз берганда Суғурта қилдирувчи ва/ ёки Қарз олувчи бу ҳақда дарҳол (72 соат ичида) ёзма, электрон ёки хабар беришнинг бошқа алоқа воситаларидан фойдаланган ҳолда Суғурталовчи суғурта ҳодисаси юз берганлиги тўғрисида хабар беради. Бунда Кредит шартномаси ва берилган суғурта полисига мувофиқ Суғурта

қилдирувчи ва/ ёки Қарз олувчи ва Суғурталовчи билан ўзаро боғланиб, мазкур Суғурта шартномаси шартларига мувофиқ иш тутиши лозим.

9.2. Суғурта қилдирувчи хабарномада Қарз олувчи Кредит шартномаси бўйича тўловларини кечиктирган муддати 90 (тўқсон) календарь кунидан ошганлиги, Қарз олувчининг муддати ўтган асосий қарз ва муддати ўтган фоиз қарздорлиги учун ҳисобланадиган барча фоизлар миқдори баён қилиниб, суғурта товонини тўлаш бўйича тасдиқловчи ҳужжатлар илова қилинади.

9.3. Суғурта товони Суғурта қилдирувчига Қарз олувчи томонидан кредитнинг гаров ёки бошқа турдаги таъминот билан таъминланмаган қисми миқдориди, лекин ҳар қандай ҳолатда ҳам суғурта пулидан ошмаган миқдорда тўланади. Суғурта товони миқдори ҳақиқатда олинган кредит миқдори ва кредитнинг гаров ёки бошқа турдаги таъминот билан таъминланган қисми ўртасидаги фарқдан кредитнинг асосий қисмини сўндириш учун йўналтирилган пул маблағларини айириб (чегириб) қолган ҳолда аниқланади.

9.3.1. Махсус шартлар: Суғурта қилдирувчи фақатгина кредит қайтарилишини таъминлашнинг бошқа шакллари бўйича берилган ҳуқуқларни амалга оширганидан кейин зарарни қоплаш учун Суғурталовчига даъво қилади (ундириш ва гаровга қўйилган мол-мулкни ёки гаровга қўйилган ҳуқуқларини сотганидан кейин, кафолатлар, кафилликлар ва бошқалар бўйича пул маблағларини ундириш). Бунда, таъминотнинг бошқа турлари бўйича тақдим этилган ҳуқуқларни амалга ошириш деганда, масалани Суғурта қилдирувчи фойдасига якуний ҳал қилиш барча тартиблардан ўтишни ёки таъминотнинг муайян тури учун маблағ ундириш имконияти йўқлиги ҳақида суд ижрочисининг якуний қарорини беришини назарда тутаяди.

9.4. Суғурта қилдирувчи/Қарз берувчи Суғурталовчига суғурта ҳодисаси юзага келганлиги аниқланганда бу ҳақида ариза бериши, шунингдек Суғурталовчига зиён содир бўлганлигини ва миқдорини аниқлаш имконини берувчи ҳужжатларни:

- Қарз олувчи кредитни сўндириш учун пул маблағлари ўтказиш ҳақида тўлов топширикномалари нусхалари;
- кредит шартномаси амал қилган муддатда маблағлар ҳаракати тўғрисида Қарз олувчининг асосий ва ссуда ҳисоб рақамларидан кўчирмалар;
- жорий санада Қарз олувчининг ҳисоб рақамидидаги маблағлар сальдоси тўғрисида банк маълумотномаси;
- Қарз олувчи умидсиз деб тавсифланлигини тасдиқловчи банк Бошқаруви қарори нусхалари тақдим этилиши лозим.
- Кредит шартномасини муддатидан олдин бекор қилиш тўғрисидаги суд қарори нусхаси;
- ўтказилган мониторинг натижасида Қарз олувчини тўлов қобилиятига эга эмаслиги тўғрисида мониторинг ҳужжатлари нусхаларини;
- Қарз олувчи вафот этганлиги бўйича ҳужжат нусхалари.

9.5. Суғурталовчи Суғурта қилдирувчи/Қарз берувчи томонидан тақдим этилган ҳужжатлар ўрганиб чиқади ва 15 (ўн беш) банк куни ичида суғурта ҳодисаси юз берганлиги ёки йўқлиги тўғрисида далолатнома тузади. Суғурта ҳодисаси юз берганлиги аниқ бўлса, суғурта қопламаси (товони) миқдорини аниқлайди, ҳамда суғурта ҳодисаси тан олинганлиги ҳақида тузилган далолатномада акс эттиради, далолатнома 2 (икки) нусхада тайёрланади ва Суғурталовчи ва Наф олувчи тарафларнинг масъул ходимлар томонидан имзоланади ҳамда Суғурталовчи ва Суғурта қилдирувчи суғурта товони тўланганлиги (Суғурта қилдирувчи/Қарз берувчининг талаб қилиш ҳуқуқи Суғурталовчига ўтганлиги) тўғрисида Қарз олувчига ёзма равишда хабар берадилар. Бунда имзо қўйиш жараёнида томон ва томонлар ўзининг эътироз (фикр)ларини маълумотномада акс эттирадилар.

9.6. Ушбу Суғурта шартномаси талабларига кўра суғурта товони аниқланган тақдирда тузилган ва томонлар тасдиқланган далолатномага кўра 5 (беш) банк куни ичида Суғурта қилдирувчига ушбу шартномани 9.4 бандига асосан тақдим этилган ҳужжатга асосан суғурта товони тўлаб берилади.

Х-БЎЛИМ. ФОРС-МАЖОР.

10.1. Агар суғурта ҳодисаси: ядровий портлаш, радиация ёки радиоактив ифлосланиш; ҳарбий ҳаракатлар, ҳарбий маневрлар ва бошқа ҳарбий чоралар; давлат органларининг буйруғи билан мулкни олиб қўйиш, мусодара қилиш, реквизиция қилиш, хатлаш ёки йўқ қилиш натижасида содир бўлган бўлса, Суғурталовчи суғурта қопламасини тўлашдан озод қилинади.

ХІ-БЎЛИМ. СУБРОГАЦИЯ ВА РЕГРЕСС.

11.1. Тўлиқ ёки қисман суғурта товонини тўлаган Суғурталовчига шу сумма доирасида Суғурта қилдирувчи/Қарз берувчининг етказилган зарар учун жавобгар шахсга нисбатан регресс талаби ҳуқуқи ўтади.

11.2. Суғурта қилдирувчи/Қарз берувчининг суғурта товонини олгандан сўнг Суғурталовчига регресс талаби ҳуқуқини амалга ошириш учун барча зарурий ҳужжатларни бериши ва барча чораларни кўриши шарт.

11.3. Суғурта қилдирувчи/Қарз берувчининг суғурта ҳодисаси юз беришига айбдор шахсга нисбатан даъводдан ёки унга қўйилган талабларни амалга оширувчи ҳуқуқдан воз кечса, шунингдек, Суғурталовчига регресс талабларни амалга ошириш учун зарурий ҳужжатларни беришдан бош тортса, Суғурталовчи суғурта товонини бутунлай ёки маълум бир қисмини тўлаб беришдан озод қилинади ва ортиқча тўланган суғурта товони қайтариб берилишини талаб қилишга ҳақли.

ХП-БЎЛИМ. БОШҚА ШАРТЛАР.

12.1. Ушбу суғурта шартномасининг шартлари тарафларнинг келишувига кўра ўзгартирилиши мумкин. Суғурта шартномасини ўзгартириш тўғрисидаги шартнома ёзма равишда амалга оширилади.

12.2. Ушбу суғурта шартномаси шартлари ўзгарган тақдирда мажбуриятлар суғурта шартномасини ўзгартириш тўғрисидаги ёзма шартномада кўрсатилган санадан бошлаб ўзгартирилган ҳисобланади.

12.3. Ушбу суғурта шартномаси 3 (тўрт) нусхада тузилиб, Тарафларнинг ҳар бирида биттадан нусха сақланади ва бир хил юридик кучга эга бўлади.

12.4. Суғурта шартномаси бўйича ҳуқуқ ва мажбуриятларни учинчи шахсларга ўтказишга тарафларнинг ёзма розилигисиз йўл қўйилмайди.

12.5. Ушбу суғурта шартномасида назарда тутилмаган барча ҳолларда Тарафлар Ўзбекистон Республикаси Фуқаролик кодекси, “Суғурта фаолияти тўғрисида”ги, “Хўжалик юритувчи субъектлар фаолиятининг шартномавий-ҳуқуқий асослари тўғрисида”ги Қонунлари ва бошқа Ўзбекистон Республикасидаги амалдаги қонун ҳужжатларига амал қиладилар.

12.6. Суғурталовчи ва Суғурта қилдирувчи махфийлик учун жавобгардир ва ушбу суғурта шартномасининг мазмунини, иловаларини ва ушбу Суғурта шартномасига тегишли бошқа ҳужжатларни тегишли тарафнинг олдиндан ёзма рухсатисиз учинчи томонга ошкор қилмайди.

12.7. Ушбу суғурта шартномасидан келиб чиқадиган барча низолар ва келишмовчиликлар музокаралар йўли билан ва келишувга эришилмаган тақдирда судда ҳал қилинади.

12.8. Суғурта шартномаси тарафлари, шунингдек томонларнинг ҳар бирининг вакиллари ёки ходимлари ушбу суғурта шартномаси билан боғлиқ фирма ёки махфий маълумотларни томонларнинг ҳар бирининг олдиндан ёзма розилигисиз ошкор қилмайди.

ХП. ТОМОНЛАРНИНГ ЮРИДИК МАНЗИЛЛАРИ:

СУҒУРТАЛОВЧИ:
“SEMURG INSURANCE” АЖ

НАФ ОЛУВЧИ:
“DAVR BANK” ХАТБ

Манзил: Тошкент шаҳри, Яшнабод тумани,
Содиқ Азимов кўчаси, 50 уй.
Ҳ/р: 2021 4000 9052 0466 7087
Банк: ХАТБ “DAVR BANK” Олмазор
филиали
Банк коди: 01121
СТИР: 307 281 137
Тел.: +998 71 205-11-55

Манзил: Тошкент шаҳри, Навоий-
Зарқайнар кўчаси, Блок А.
Ҳ/р: 2980 1000 3000 0098 1776
Банк коди: 00881
СТИР: 203 709 707
Тел.: +998 71 204-40-40

ТОМОНЛАРНИНГ ИМЗОЛАРИ:

СУҒУРТАЛОВЧИ НОМИДАН:

Бош директор
Р.К.Кадиров

ИМЗО

www.semurginsurance.uz

НАФ ОЛУВЧИ НОМИДАН:

Бошқарув Раиси
А.А.Самадов

ИМЗО

М.Ў.

info@semurgins.us

1251, +998 71 205-11-55

2024 йил «30» июлдаги
 25-64-241100-сонли Кредитларни
 суғурта қилиш бош шартномасининг
 1-илоvasи

1-бўлим. Умумий маълумотлар:		
1.1.	Қарз қилдирувчи	
1.2.	Суғурта шартномасининг даври	___ () ой
1.3.	Суғурта даври	Суғурта полисида кўрсатилган
1.4.	Суғурта олувчи	
1.5.	Кредит шартномаси рақами ва санаси	
1.6.	Кредит шартномаси суммаси	
1.7.	Кредит муддати	
2-бўлим. Суғурта суммаси ва мукофоти:		
2.1.	Суғурта суммаси	
2.2.	Шартнома бўйича умумий суғурта мукофоти	
2.3.	Тўланган суғурта мукофоти	
<p>Суғурта қилдирувчи/Қарз берувчи ва Қарз олувчи ушбу ариза-анкетада хабар қилинган маълумотлар ҳаққонийлигини ҳамда суғурта шартномаси тузиш ва имзолаш учун асос бўла олишини тасдиқлайди. Шу билан биргаликда, Суғурта қилдирувчи/Қарз берувчи ва Қарз олувчи суғурта шартномаси билан танишганлиги ва суғурта шартларига розилиги тасдиқлайди.</p>		

ТОМОНЛАРНИНГ ИМЗОЛАРИ:
СУҒУРТАЛОВЧИ
 номидан

**СУҒУРТА ҚИЛДИРУВЧИ/
 ҚАРЗ БЕРУВЧИ** номидан

ҚАРЗ ОЛУВЧИ
 номидан

 (имзо) м.ў.

 м.ў.

 (имзо) м.ў.



КРЕДИТЛАРНИ СУҒУРТА ҚИЛИШ ПОЛИСИ

“SEMRG INSURANCE” АЖ, 2024 йил 30 июлдаги № 25-64-241100–
соғли кредитларни суғурта қилиш бош шартномасида кўрсатилган
таваккалчиликлардан суғурта ҳимоясини тақдим этади:

1.	Суғурта қилдирувчи/ Қарз берувчи:	
2.	Қарз олувчи:	
3.	Кредит суммаси:	_____ (_____) сум.
4.	Суғурта суммаси:	_____ (_____) сум.
5.	Суғурта даври:	20__ й. «__» _____ дан 20__ й. «__» _____ соат 24.00 гача амал қилади.
6.	Суғурта мукофоти:	_____ (_____) сум.
7.	Суғурта мукофоти тўланган сана:	«__» _____ 20__ г.

Суғурталовчи номидан:

(имзо) м.ў.

Берилган сана: 20__ й. «__» _____

